

BONUM OMEN  
NOVI CONSULIS,

*b. c.*

REQVISITA

FELICITATIS  
POLITICÆ,

*ad d. 24. Aug. M DC LXXXIII.*

IN GYMNASIO ZITTAVIENSI

SOLENNITER EXPOSITA,

DIVERSARUMQ; PATRIARUM EXEMPLIS COMMENDATA,

PUBLICICE INTIMAT

CHRISTIANUS WEISE, RECT.

Laudabunt autem

NICOLAUS HETLING, REVAL. LIVON.  
*APPARATUM BELLICUM.*

BARTHOLOMÆUS Strahlborn/ REVAL.  
*TERRÆ FOECUNDITATEM.*

HERMANNUS DUNTE, REVAL.  
*MERCATURAM ET NAVIGIA.*

JOH. MARTINUS Lochmann/ LIPSIENSIS.  
*ERUDITIONEM.*

BALTHASAR Möller/ WITEBERGENSIS.  
*RELIGIONEM.*

JOH. MARTINUS Schwabe/ ANNEBERGENSIS.  
*REM METALLICAM.*

ERNESTUS FRIDERICUS Sultmann/ ROSTOCH.  
*SERTUM VELUT ROSACEUM.*

*E SUPRA DICTIS LEGUM BENEFICIO  
COMPLICATUM.*

His porro accedent

*Elegiacis Versibus observantiam testaturi*

*PROLOGUS* JOH. PHILIPPUS Meuer/ Zitt.

*EPILOGUS* JOH. ELIAS Weise/ Weiffenfelf.




ZITTAVIÆ,

Typis Michaelis Hartmanni.

AD GYMNASII PATRONOS  
EPIGRAMMA.

**D**um diversa suos commendat Patria Natos,  
Quos juvat in nostro fructificare solo;  
Felices equidem licet exclamare labores,  
Quo magis à vario teste probatur opus.  
Scire tamen vultis, maneant quæ commoda Zittam,  
Si redeat studiis turba polita domum?  
Undiq; vos recolent, decernent undiq; grates,  
Atq; preces pietas haud peregrina dabit.  
Et quia fraternum Schola gestit jungere nexum,  
Invenient fratres pignora vestra novos.  
Zittani crescunt, bene sic cupiente Magistro:  
At simul augmento nulla propago caret.  
Omne bonum cupido sese communicat Orbi:  
Sint bona vestra, tamen publica ut esse queant.



**I**N legem velut abiit consuetudo, multis ab-  
hinc annis recepta, ut quoties in Curia No-  
bilissimus Magistratus Novum Consulem,  
novumq; inter Patres conscriptos Ordinem  
indeptus est, Gymnasium velut Posteritatis & impri-  
mis Curiae plantarium, suo plausu felicitatis omen, ac  
obsequii tesseram soleat offerre. Tantoq; firmiter in-  
haesisse videntur huic consuetudini tum Docentes  
tum Discipuli, quod nunquam defuerint Auditores  
& Hospites ad excitandam vel comprobendam hanc  
industriam paratissimi. Cum igitur praesens etiam  
annus hanc vovendi & declamandi materiam nobis  
reddidisset, animoq; simul obversaretur publica haec  
calamitas, quae non Austriam modo vicinasq; Vien-  
nae Provincias, sed universum corpus, cuius Austria  
membrum est, insigni terrore complevit: facile po-  
teramus inclinare in id argumentum, ut praecipua FE-  
LICITATIS POLITICAE Requisita, disputationi-  
bus in variam opinionem abeuntibus, illustrarentur.  
Sive enim haec meditatio praeteritorum annorum feli-  
cem memoriam refricare videtur, quid ad preces pro  
futura prosperitate fundendas commodius? Sive e-  
tiam sic manuduci debent Oratoriae Studiosi, ut, dum  
verbis & formulis inhiant, Rerum simul praestantissi-  
marum curioso studio sensim abripiantur, quid pe-  
titam hanc est Politicis quaestione solidius? Certum Practi-  
cam Disciplinam nemo attinget feliciter, qui Finem  
prius non cognoverit: ac cum ipse Finis est multis con-  
sistat partibus, de singularum praerogativa sedulo di-  
spiciendum est, ne, dum boni minoris cura tenemur,  
majus aliquid interim negligamus, vel cum publica  
necessitas alterius jacturam urget, inter duo bona, id  
re-

retineamus, quod minus est. Dicitur verò non potest  
quantam ubiq; laudem habeat Eloquentia Civilem do-  
ctrinam illustratura. Quippe nemo sibi discit, sed Reip.  
ac nullus in ordine discentium reperitur, qui, si vel ma-  
ximè obscurum, aliquem tamen in Civitate locum sibi  
non promittat: ut proinde felicissimam hic Eruditi-  
onem invenisse videatur, qui ad Praxin respicere, Vi-  
tæq; civilis naturam perlustrare didicerit prius, quàm  
ætas & officium hujus sedulitatis specimina requirat.  
Et in eò quidem sequor Rhetoricam Aristotelis,  
quicquid alii judicent, quibus ab omni antiquorum  
Oratoria videor quàm alienissimus. Nam ut hoc lo-  
co probare liceat, neminem minus sectari vel Aristo-  
telem vel Ciceronem, vel omnes Rhetoricæ artis  
Scriptores, quàm qui eorundem Nomina quàm maxi-  
mè jactitant, scriptis quoq; ad unguem ediscendis  
incumbunt; ante omnia firmissimum hoc principium  
mihi concedendum postulo, id proposuisse Veteres,  
quod Orationibus in Civitate tum necessariis suffice-  
ret: ut si quando Præceptorem desereret Discipulus, is  
pro Regularum amplitudine nihil esset reperturus,  
cui aptare non posset universalem hanc facundiæ nor-  
mam. Inde cum Aristoteles in sua Græciâ, ad statum  
Democraticum accommodata, necessariam intellige-  
ret eloquentiam, tum in publicis Consultationibus,  
ubi ad unum consensum redigi debebat multiceps bel-  
lua, vulgus; tum in publicis Judiciis, ubi vel ad poenam  
quis erat condemnandus, vel ab eadem absolvendus,  
idq; suffragio populi, variis Oratorum blanditiis de-  
mulcendi: non solum docebat, quibus sermonum ar-  
tificiis utraq; facundia posset comendari, sed etiam id  
singulari studio exequebatur, quibus argumentis &  
fundamenta Utilitatis in consultando, & principia Ju-  
stitiæ in judicando possent observari. Ut non imme-  
rito magnus hic Scriptor in Rhetoricis videatur πολιτ.  
κώτερον quàm ubi ex professo attingit Politicam. Ast si  
nostro nunc Seculo resurgeret Aristoteles, ac quan-  
tum

tum inverſa fuerit loqvendi neceſſitas, qvo pollebat acumine, penſitaret; talem ſine dubio nobis Rhetoricam præſcriberet, quæ tum Oratores Eccleſiaſticos in Templo, tum Politicos in congreſſibus ſive Aulicis ſive Civilibus, tum Doctores & Studioſos in Cathedra redderet eloqvientes. Eam verò abſurditatem, quantum ego quidem auguror, nunquam eſſet admiſſurus, ut qui è Rhetorica Scholaſtica vix balbutire didiciſſent, ad Oratoriam Eccleſiaſticam ſpecie velut diſtinctã, quin imo ad Oratoriam Politicam novis itidem præceptis abſolutam, h. e. ab uno piſtrino in alterum detruderentur. Neq; diſſimulare poſſum, id à me multis jam annis agitari, ut Auditores mei Rhetoricam nanciſcantur, ut ita loqvar, univerſalem, quæ non minus inſtruat homines ad Scholam natos, quàm Viros etiam informet ad Eccleſiam vel Politiam deducendos. Et fortasſe Deus ſuam largietur gratiam, ut, quod ſparſis paginis ſæpe monitum fuit, ordinem publica luce non indignum indipiſcatur. Interim noverint, qui hæctenus ſub informatione mea ſucceverunt, primam & ultimam meam ſubinde exaudiri adhortationem, diſcerent loqvi. Sic inveniunt futuri Theologi, quod jam in Schola cum fructu exerceant: quibus quidem velut per tranſennam oſtenditur, quid à Paraphraſi, quid ab Amplificatione per Conſectaria ſit ſperandum, & quæ ſubſidia utrinq; veniant tum à Philologia, cum verborum vim volumus aſſequi, tum à Theologia, cum genuinum ſenſum vel judicare vel interpretari jubemur.

Neq; ſolum admonentur eloqventiæ Cathedra-  
lis, quam in publico templo ſolenniter exercere debeant Concionatores, ſed cogitare ſimul diſcunt, loqvendum eſſe, tum in Copulationum & Baptiſmatum Ceremoniis, tum in Confeſſione valentibus & ægrotantibus indulgendâ, tum præcipuè in quâlibet *παράκλησει, ἐπανορθώσει, & παραλήσει*, quam Spiritualis Pater ſuo debet Filio.

Eti-

Etiam Politici rogantur, velint apertis oculis Vitam inspicere civilem, quid publicè loquantur Viri ad Remp. progressi? quid in solennitatibus Aulicis, quid in Conventibus reliquorum decor & consuetudo postulet? quibus fontibus Propositionem h. e. argumenti explicationem, quibus Insinuationem, h. e. blanditias argumenti condimenta debeant? & quando in duas quasi classes hæc eloquentia separatur floridam seu Juvenilem, & feriam Viris maximè decoram, nullum deserit nostra Manuductio. Partim enim ad Historias, ad Emblemata, ad Sermonum argutias, ad curiosos ingeniorum lusus invitantur, quibus velut parergis oratio sæpe luxuriam acquirat seculo non ingratis; partim è rivulis Ethicis & Politicis h. e. è solidioribus Honesti & Commodi fundamentis ea probare discunt, quæ cum applausu aliquando videntur Audientibus commendanda. Imprimis vero quid Complimenta, politissimum Sermonis genus, apud homines efficiant, quibusq; tum connexionibus, tum judiciis Aulicum hoc mysterium absolvatur, non theoreticè, ut ea sciant scire Præceptorem, sed practicè, ut quantum proprii valeant humeri, singulis septimanis pateat, demonstrari & exerceri solet. Nimirum sola Novellarum lectio sese diffundit in infinitam Exemplorum copiam, si, quoties solennitatum injicitur mentio, periculum Auditores faciant, quid dici, quid responderi in his Conventibus debuerit? nec solum de Verborum ordine, ac perspicuo nitore, sed magis etiam de judicio & cautione h. e. de Moribus Oratoriis, nonnulla moneantur.

His addere consuevi tertium facundiæ genus, quod nomino Scholasticum, quia non nisi in Scholis & Academiis viget, nec temerè colitur extra Cathedram. Dum enim proponuntur quæstiones sive suis rationibus probandæ, sive etiam in varias Opinionum partes ventilandæ, omnibus scientiis accedit eloquentia, nec facilè quis Examinatori mutum offeret.

Re-

Respondentem, qui tantas sermonum varietates rerumque non contemnendam copiam effundere serio didicit. Spectabat ad hunc scopum Theologia nostra loquens, ut appellabam, cum explicaturus Hutteri Compendium, nostris studiis inunctum, Thefes Locorum præcipuas eruerem, easque rationibus & Confectariis illustratas Oratorio stylo convestirem. Eò facit Politica loquens intra privatos Parietes sæpe tum ad meditabundam, tum ad extemporalem Eloquentiam directa. Quin & hujus farinæ sunt Declamationes, quas in aperto Auditorii Majoris pegmate, Literarum Promotoribus & Amicis consecrare cupiunt Juvenes morum & artium studio non potestremi. Dum verò his exercitiis mei detinentur id equidem fateor, talium Orationum in vitâ civili levem fore necessitatem: ast sufficit hoc Rhetorices ad miniculo viam sterni ad disciplinarum intimiorem notitiam, quam multi ad silentium Pythagoricum detrusi, vix acquirunt dimidiam, quia, quid acquisiverint, externo verborum testimonio non declarant. Sanè si verbis & rebus probè fuerint culti, crescente judicio, crescet etiam loquendi copia, & in omni conversatione patebit, nugas non fuisse Scholasticorum exercitationes, unde linguam habeant adeò expeditam. Sed de his & aliis ad Oratorium Studium pertinentibus tum ex professo dicetur, cum ad Typographum festinabit Oratoria mea, viginti jam annorum experimentis variè tentata. Jam enim maturare volentem negotia plusquam quotidiana reddunt tardiores: nec est, cur festinando cæcos pariam cæculos. Proinde ad rem venio, cujus gratiâ publicatur hæc præscriptio. Et postquam ad ipsum diem Bartholomæo sacrum, horis pomeridianis Patronos & Fautores Schola nostra cupit amplecti, quâ par est observantiâ & amicitia rogamus, velint Favorem sæpe comprobatum, nunc etiam benevolo accessu testari, sedulosque & pios Juvenum animos, in studiorum

cur-

curfu probè excitatos, five confirmare, five ad ulter-  
 riora stimulare. Constat in vicem officiorum &  
 fervitorum promptitudo, nec ingratos polliceor be-  
 neficii deprædicatores, si quivis Zittanam gratiam  
 Patriæ suæ commendaverit. Quod reliquum est, ne  
 omitti nunc videatur devotio, tum Ecclesiasticis tum  
 Scholasticis & domesticis congregationibus injun-  
 cta; Clausulam imponet Cantilena publicum Eccle-  
 siæ Statum, & præcipuè Potentissimi Nostri ELE-  
 CTORIS præsentem fortunam devotè complexa.

<p>1.  <b>G</b>ott wende dich von deinem Grimme          Zu Trost der lieben Christenheit/          Die nochmals mit betrübter Stimme/          Nach deiner Gnaden-Hülffe schreyt          Dieweil des Türcken Macht und List          Nach Christen-Blute durstig ist.</p>	<p>5.          Denselben schändet dieser Sünder          In seiner schändten Sicherheit/          Drum schleppet er die armen Kinder          Recht in des Satans Dinstbarkeit/          Da man das Lügen-Reich vermehrt/          Und Gottvergeßne Greuel hört.</p>
<p>2.          Gedencke HErr an deinen Nahmen;          Wir nennen uns auf deinen Sohn:          Nun trozet der verfluchte Samen/          Der bleht sich auf und spricht uns          Hohn/          Als hätten wir die Zuversicht          Auf einen schwachen GOTT gericht.</p>	<p>6.          Nun mach es HErr nach deinen Willē/          Sieh nur/ was gut und selig ist/          Du kanst ja Wind und Wasser stillen/          Weil du ein HErr des Wetters bist.          Sprich nur ein Wort durch deinen          Sohn          So tragen wir den Sieg davon.</p>
<p>3.          Erschrecke den verdamten Hauffen          Durch einen Blitz und Donnerschlag          Damit er in sein Land entlauffen          Und seinen Spott beseuffen mag/          Du bist ein GOTT von Rath und That          Der nirgend seines gleichen hat.</p>	<p>7.          Ach laß dir unsern Zug gefallen/          Der wieder solche Feinde geht/          Und laß die frohe Post erschallen/          Daß man im besten Vorthel steht/          Denn wer sich bloß auf dich verläßt/          Der hat das erste Jubel-Fest.</p>
<p>4.          Wiewol wir haben böse Sache;          Wer muß die Sünde nicht gestehn?          Allein der Feind sucht keine Rache/          Daß wir auf solchen Wegen gehn/          Vielmehr entbrennt der Eyfer-Geist/          Das JESUS unser Heyland heist.</p>	<p>8.          Indessen steh mit deinen Kräfften          Dem Landes-Vater gnädig bey/          Daß er in allen Kriegs-Geschäften          Ein Zeuge deiner Allmacht sey.          Ach lieb Jhn also/ wie Er liebt/          Sieh Jhm/ was er dem Volcke giebt.</p>
<p>9.          Also wird Ruhm und Preis erklingen/          So weit man deinen Nahmen hört:          Man wird den schönen Sieg besingen/          Der GOTTES Feinde mächtig stört.          GOTT ist mit uns / so heist das Wort/          Das jagt den Satan selber fort.</p>	

P. P. Zittavia e Gymnasio d. 23. Aug. MDCCLXXIII.

